

2.
 Lacreme a turriente,
 Arraggia, e turmiente,
 A me priparaje
 Sto brutto nzorà...
 Uh!...pechè facette
 Chesta scemetà,
 Nzorato! che n'avette?..
 Pene, e nfermetà

Quando l'ommo è nrammorato è comme a no guagliun
 cielo, che non vede chello che ffà, e non penza a nien
 te. È comme a no cecato che ntoppanno, smesteno,
 e ntroppecanno se mantene, s'arrancè che ja e po
 schiaffa de faccia nterra.... Ma quando po se nzora
 e prova l'assassenaggene de lla mogliera, sè lo ppi
 glia co pacienza, ma po dalle e dalle, se nfastedesce,
 s'arraggia, e ghiastemma comme faccio io...pechè..

Ajuto nisciuno mme dà
 Mo sbott'a chiagnere
 Mme sento schiattà.

3.
 Revuote e fracasse,
 Mazzate sconquasse,
 Tu jenzo a lla casa
 Sempe haje a ttruvà
 Mamma mia quietè,
 Zitto, pe piatà,
 L'appicceche acquiete,
 Priesto llà pe llà.

E cco mme! fosse no juorno che io jenzo a lla casa
 non trovo moglierema appiccecanose, mo co la
 siè Razziella a pizzajola, mo co la siè Peppa la ca
 gneeavalle, mo co la siè Concetta la purtuallare, mo
 co Donna Vicenza la mbignatrice, nzomma non ce
 stà na femmena mmiezo a lo vico, che moglierema
 non c'have che dè. E che io pueriello strillo, me
 n'furio, me mbesto, e acconcio tutto, simmo sempe
 da capo...non aggio propete cchiù che fà...e..(piange)

Ajuto nisciuno mme dà
 Mo sbotto a chiagnere
 Mme sento schiattà.

4. 3
 No liepeto e chianto
 A mme spetta 'ntanto
 Lo juorno e la notte
 De stare a senti...
 Da sta brutta sgrata
 Mme ne vorria fùì,
 Io mmiezo a lla strata
 Jarria a dormì.

Doppo tanta guaje manco a lla notte pozzo dormì.
 da cca no la miento piccio e acuto, da lla n'arteteca
 che non la teneno manco chille che ghioeano neop
 pa a lli cavalle, mamma da dinto tossa tutta la
 notte, moglierema strilla a lle creature, chelle fan
 no chiù pevo essa se dispera, accommenza a menà
 mazzate, chi fuje da cca, chi fuje da llà, chi s'annascon
 ne sotto a lli lietto, chi sotto a no tavolino, la gatta se
 ngrifa pe lla paura, lo cane abbaja pe llo rommore,
 mamma tuzzulea, nfaccia alla porta perchè non pò
 dormì...uh mannaggìo! uh mannaggia lo...uh...che vor
 ria di...e comme?...

Ajuto nisciuno mme dà etc:

5.
 Diebbete a zzeffunne,
 Carcere profunne,
 Famma e miseria
 Mme spett'a pprova
 Le scanne e lo lietto
 Vennute so già,
 Ne chiù ll'arrietto
 Lo pozzo truvà.

Tutto mm'aggio levato anfino a llo saccone: chesto non
 sarria niente se io non stesse chino de mpeche, zelle
 mbroglie, e se non nce stesse lo patrone de case che
 avanza certe mesate, e già è ghiuto a parlà co lo Jodece
 pe farse pavà, e se non nce fossero tante altre piccole
 credeture ausurare scortecapelle che me zucano fitto
 fitto. Esco la matina nfanfarruto, non arrivo mmiezo a
 llo vico che accommenza a vedè, chi me ride nfaccia, chi
 me fa na smorfia, chi me dice che buon'ommo...chi vi che
 che spiloreio, chi vi che smestetore, chi Nètruffajuolo,
 sbriognato, chi assassino, chi me cerca denaro, chi vò
 essere pavato da cca, chi vò essere pavato da llà (si disponi)
 Uh!.. uh!.. uh!.. uh!..

Ajuto nisciuno mme dà etc:

38707

Cant. Ver A 7 (53)



53

LO MARITO PICCIUSO

ARIA BUFFA

Proprietà degli editori.

Poesia di Domenico Curlando.

Musica di

ALBERTO AMELIO.

Andante.

L. 2.

Canto.

Jastemma cuoglieme saett'ac - ci-deme non pozzo re-jere a stè nfame-tà

Piano.

non pozzo re-jere a stè nfame-tà *mezza voce* Mamma llo di-

- ce-va Ni nonte nzora ma io non cre - de-va sto gua - jo pas-sà.

Prosa.

E comme! pechè non sentette a chella vecchiarella de mammema. Quanta vote m'ha ditto figlio mio non te nzorà; vi che la mogliera è no loteno serio, li figlie songo spine, o piccerille o gruosse te fanno sempe disperà... E pò mme diceva tant'altre cose, mm'accarezzava mme vasava, e mme faceva tanta squasille...e mo?!

A_ju_to nisciu - - no mme dà mo sbott'a chiagnerè mmesento schiattà.

1. 2. 3. 4.

1. tempo.

ultima volta

- tà mme sentommesento mmesentoschiattà mmesentommesento mesento schiattà.

1178